


रमणिये के सोरठे



I mistled the
literature as an absurd one

निर्मल

पुस्तक प्रकाशक—

राजस्थान साहित्य सदन

मुजानगढ़

सं० १६६७

पुस्तक मिलने का पता :—

श्रीरामनरायनलाल प्रजापति

सुजानगढ़ (बीकानेर)

प्रथम संस्करण

मूल्य दो आना

मुद्रक :—

पं० रामदुलारे तिवारी

दी नेशनल आर्ट प्रिण्टर्स

१६३/२, हरीसन रोड,

कलकत्ता ।

दो शब्द

पुस्तिका में संगृहीत सोरठों में से अधिकांश मेरे स्वर्गीय मुनीम श्री चुन्नीलालजी प्रजापति के पौत्र श्री रामनरायनलाल को “जिसका वचन का नाम रमणियाँ हैं” सम्बोधित करके लिखे गये हैं। लेखक ने यह सोरठे अपनी ही मनस्तुष्टि के लिये लिखे हैं अतएव लेखक इस सँग्रहकी आवश्यकता न समझता था, किन्तु कई मित्रों ने उन्हें इस रूप में देखना चाहा और उनका अनुरोध टाला न जा सका।


राजस्थानी साहित्य के अनन्य प्रेमी मेरे पूज्य भ्राता श्री सागरमलजी सेठिया बी० ए० बी० एल का भी आग्रह रहा कि मैं इन सोरठों को प्रकाश में लाऊँ अतएव इस निहोरे भी मुझे यह सोरठे पुस्तक के रूप में प्रकाशित करने पड़े हैं।

मानस-मन्दिर-कलकत्ता ।

आश्विन शुक्ल १, सं १९६७

} निर्मल

रमणिये के सोरेठे



नहीं मन्दिर में वास, नहीं मसजिद में मैं बसूं
मैं भगतां रो दास, रमतो योगी रमणियाँ



काया मैलो काप, १ स्यावण है हरि नाम की
करले बिण स्युं साफ, रजक करै ज्युं रमणियाँ



साधू धारयो नाम, पण है ब बाधू असल
टुकड़ां ताईं चाम, रंगै राख में रमणियाँ



अणहूँता झूठा फैल, निभ्या न निभसी डोकराँ
सदा जमाने गैल, रीत चालसी रमणियाँ

रमणिये के सोरठे

॥१॥

कायर होय अनेक, वीर भगावै एकलो
ज्यूं ल्याली ने देख, रेवड़ भागै रमणियाँ

॥

॥

॥

राखै मन में कोड़, रंग भूमी समझै सदा
रण-राता राठौड़, रण भूमी नै रमणियाँ

॥

॥

॥

जको करै घन नाद, वो बरसै माड़ो घणूं
ब्यर्थ करै बकवाद, रोलागारो रमणियाँ

॥

॥

॥

हिम्मत रा सुख साज, हिम्मत री कीमत घणी
रींक्यां दै कुण राज, रींक मती तू रमणियाँ

रमणिये के सोरटे

११४

भूताँ का सा भेष, धूल उड़ै मेदा बिन्या
इसड़ो म्हाँको देश, रूख बिना को रमणियाँ

॥

॥

॥

नहीं रोग को लेश, मिनख निरोगा सब घणाँ
मनवाराँ रो देश, राजपुतानूँ रमणियाँ

॥

॥

॥

चरखो साचो शस्त्र, मिटै गरीबी देश की
छोड़ विदेशी वस्त्र, रेजी धारो रमणियाँ

॥

॥

॥

बणिक हुया बेकाम, शुद्र चढ्या है शीश पर
रजपूतां में राम, रयो न रत्ती रमणियाँ

तीन

रमणिये के सोरटे



भैंस समुख संगीत, त्यों मूरख न समझावणूं
भलो बठै ही गीत, जठै रसिक है रमणियाँ



कल राजा कल रङ्क, नर पींड़ी को मोल के
रावण राजा लङ्क, रल्यो रेत में रमणियाँ



के निर्धन धनवान, चाकर सह करतार का
धन यौवन अभिमान, रश्च न कीजै रमणियाँ



सुख में गावो गान, क्यों दुख में रोवो भला
सुख दुख एक समान, रमो सदा ही रमणियाँ

रमणिये के सोरठे

१४१४

पर निन्दा हुँशियार, मूँड़े मिठ बोला घणाँ
इसड़ा नर बदकार, रहो न साथै रमणियाँ



बीती ताहि बिसार, आगे की सुध राख तू
घबड़ा कर मझधार, रुल जाज्यो मत रमणियाँ



मत बण खाली ढोल, कर खरचो पैदा जिस्स्यो
राख जमां की ओल, रोकड बाकी रमणियाँ



बसन्त काल कश्मीर, गिरम में शिमलो आछो
सुख कर बीकानीर, रुत सावण की रमणियाँ

रमणिये के सोरठे

१११

करै ऐश आराम, मिनख हुआ सब पांगला
बण्णा ठौड का ठाम, रही न हिम्मत रमणियाँ

॥

॥

॥

कुण कीं कै है साथ, बणी का सीरी सगला
उद्यम राखो हाथ, रिणक मती तू रमणियाँ

॥

॥

॥

बैत हुआ बेकाम, कुण पूछै है ऊँट नै
कम खरचो आराम, रेल बणी जब रमणियाँ

॥

॥

॥

मीठा बचन उचार, सुख पावै काया बणी
कडुआ बोलयां खार, रङ्ग रचावै रमणियाँ

रमणिये के सोरठे

१११

धन हो जद हा यार, मुख मीठा घण बोलणा
पड़ी गरीबी मार, रोख्यां मूँगी रमणियाँ

॥

॥

॥

राख्यो चावै नाम, पर उपगारी जीव वण
नहीं तो अधन धाम, रही ज्युं है रमणियाँ

॥

॥

॥

खावो रावड रोट, करो भजन करतार को
मस्त बण्यो रह सोट, रागड दो ज्युं रमणियाँ

॥

॥

॥

जा विध राखै राम, ता विध ही रहणू भलो
चिन्ता को कै काम, रहो मौज में रमणियाँ

रमणिये के सोरठे

१९३४

धीरज स्यूँ कर जेज, काम करो सगलो सफल
ऊवाँ खेजड बेज, कदै न हूवै रमणियाँ

जिण दीन्हीं है चूँच, चून भी वो ही देसी
कुण नीचो कुण ऊँच, रैयत है सब राम की

सांची लागै बात, खारी जाणै नीम ज्यूँ
उल्लू न परभात, रीस न कीजै रमणियाँ

बुरी भांग तमाख, बुरो मद्य को सेवणूँ
नशो भजन को राख, रङ्ग राचैलो रमणियाँ



लाग्यां लातां थाप, नीच हुवै सीधा सणक
काठ होय ज्यूँ साफ, रंदो लाग्यां रमणियां



दै गरीब नै दान, यदि मिलणूँ चावै राम स्यूँ
तज झूठो कुल मान, राम मिलैगो रमणियां



धार चित्त में धीर, औगुण स्यूँ गुण टाल तूँ
पय पीवै तज नीर, राजहंस ज्यूँ रमणियां



क्यों झूठा गालो हाड, चिन्ता में गल गल मरो
देसी छप्पर फाड, रज्ज करो किम रमणियां

रमणिये के सोरठे



मन ढीलो मत छोड़, वश राखो काठो पकड़
मन है बांको घोड़, रास बिना को रमणियां



सीसोदां मेवाड़, कछवाहा जयपुर बसै
थली देश मरवाड़, राठौड़ी में रमणियां



वरस हुया है तीन, छांट एक बरसै नहीं
मिनख बिकल ज्यूँ मीन, रासो काँई रमणियां



जाय भलाँ ही जीव, बचन कदै छोड़ै नहीं
इसड़ा राखै हीव, राजस्थानी रमणियां

रमणिये के सोरटे



पिक-वायस एक समान, दोन्याँ में है फरक के
पर बोली स्यूं पहचान, रङ्ग करै के रमणियां



कुण किण नै दै मार, कुण किण नै देवै जिवा
मन में राख विचार, राम रुखालो रमणियां



भूल न कीजै साथ, जका मिनख खोटा घणां
गलै पड़ै विन बात, रस्तै बहतां रमणियां



बुरो फूट रो काम, मन में ल्यावै आंतरो
चावो सु-यश नाम, रल मिल चालो रमणियां

रमणिये के सोरटे



मन में आवे राग, बेमतलब की बात स्यूं
ज्यूं चन्दन में आग, रगड जगावै रमणियां



बिन विद्या बिन बुद्ध, पौरुष खाली के करे
कद जीतो ज्या युद्ध, रंगरूटाँ स्यूं रमणियां



लालच बुरी बलाय, लूण घलावै खीर में
दिन दिन अधिक बधाय, रगड बँधौ ज्यूं रमणियां



जीभ बढ़ावै बैर, जीभ जुड़ावै प्रीत ने
राखो, चाहो खैर, रसना बश में रमणियाँ

रमणिये के सोरठे



रयाँ नीच कै सीर, हुवै भलो भी बिण जिस्यो
तिक्त हुवै नद तीर, रल सागर में रमणियाँ



एक ज्ञान की बात, हरै भरम मन को नरां
ज्युं चमकावै रात, राकेश अकेलो रमणियां



समय बड़ी बलवान, समय करानौ काम सह
सरै न कोई काम, रँज करयां स्युं रमणियाँ



मन में घणां हुंश्यार, पूँछ न जाणै आँक की
छलकै बारम्बार, रीतो मटको रमणियाँ

तेरह

रमणिये के सोरठे



होनहार सो होय, करम लिखेड़ी ना टलै
जो नर मूरख होय, रुदन मचावै रमणियाँ



अस्थिर है संसार, गरव न कीजै भूल कर
ले ज्यासी जण च्यार, रथी वणां कर रमणियां



स्वारथ में सह सीर, वक्त पड्यां बदलै नयन
ज्युँ किरडै रो कीर, रङ्ग वणावै रमणियाँ



निर्बल कै बल राम, आ कैवत कहतां सुणी
सिमरुं विण रो नाम, राम आसरो रमणियां

रमणिये के सोरठे

॥॥

कर दै कालो रँग, ज्युँ हाथ लगायाँ कोयलो
त्युँ रुलपट को सज्ज, रहो न साथै रमणियां

॥

॥

॥

हुवै नाम बदनाम, इज्जत का टका हुवै
जग हांसी कुल हाण, रामाण करचां स्युँ रमणियां

॥

॥

॥

चिन्ता दुःख को धाम, तन देनै सगलो गला
ज्युँ जूते को चाम, रांपी छेकै रमणियां

॥

॥

॥

कहसी बात बिचार, देख सँमैं की चाल नै
बो ही नर हुँशियार, रेख राखसी रमणियां

रमणिये के सोरठे

॥०॥

आंसू हिय को हार, गालौ मन के मेल नै
ज्युँ कपड़े को खार, रीठो काटै रमणियां

ज्युँ हंसा करत जुहार, सुख्यो सरवर देख कर
त्यूँ मुतलवियो संसार, राख मनां२ तू रमणियां

स्वारथ को संसार, विन स्वारथ बोलौ नहीं
गिरधर है आधार, रीझ भजो थे रमणियां

बो तो है सब ठौर, मन्दिर मसजिद के धरचो
करो जठै ही गौर, रमौ बठे ही रमणियां

२ मन

सोलह